


10067

=172



皇朝文獻通考卷二百九十六

四裔考

南

安南

安南即交趾與滇粵接界由廣西至其國道有三
從憑祥州入則經文淵脫朗諒山温州鬼門關保
祿縣凡七日至安越縣之市橋江由思明府入則
過摩天嶺思陵祿平二州又過車里江安博州耗
軍洞鳳眼縣凡八日至市橋江自龍州入則由平



皇朝文獻通考卷二百九十六

而隘七源州四日至文蘭平茄社分二道一從文
蘭過右隴縣北山經鬼門關渡昌江經世安安勇
二縣凡三日至市橋江一從平茄社西經武崖州
司農縣凡四日至市橋江市橋江在安越縣境昌
江之南諸路總會處五十里至慈山府嘉林縣渡
富良江入交州由雲南至其國道有二一由蒙自
經蓮花灘入程瀾洞循洮江源右岸過水尾文盤
鎮安夏華清波諸州縣凡二十七日至臨洮府又
過山圍縣興化府白鶴縣凡十日渡富良江一日

河陽隘循洮江源左岸過平源福安宣江端雄諸
府州縣凡二十三日至富良江然皆山徑欹側難
行若循洮江右岸入乃大道也若廣東海道自廉
州五雷山發舟北風順利一二日可抵交之海東
府沿海岸行八日始至海東有白藤安陽塗山多
漁諸海口各有支港以達交州此海道大畧也國
治在交州距

京師一萬一千一百六十五里卽唐都護治所郡縣
分十三道道分十三承政司安邦海陽山南京北

山西諒山太原明光興化清華又安順化廣南是也隸安邦者府一曰海東舊卽交州地隸海陽者府一仍曰海陽舊卽新安地隸山南者府十有一曰上洪下洪天長廣東應天荆門新興長安涖仁昌平義興舊卽諒江建昌奉化鎮蠻建平地隸京北者府四曰北河慈山諒江順安舊卽北江諒江地隸山西者府六曰歸化三帶端雄安西臨洮沱江舊卽交州嘉興歸化地隸諒山者府一仍曰諒山舊諒山地隸太原者府三曰太原富平通化舊

太原地隸明光者府一曰宣光舊宣化地隸興化者府三曰興化廣威天關舊卽廣威州地隸清華者府四曰紹天鎮寧蔡州河中舊清化地隸又安者府八曰又安肇平思又奇華德先濱州北平清都舊卽又安濱州地隸順化者府三曰廣化英都昇華舊卽順化昇華地隸廣南者府三曰廣南茶麟五麻舊卽又安地其形勢東南一帶皆海有望海城漢伏波將軍馬援建國境西界南掌北界廣西東北界廣東沿邊皆有重巒深澗林箐彌蔓至

大小落靠嶺鬼門關羅婆羅翁麗嶺尤其國中要地交州獨倚富良江爲天險江濶二三里其水混濁一自緬甸流入由興化過嘉興府來一自雲南流入由興化府來至交岡滙合諸小河漸滙漸大自西東下經過交州北向東南流入海在國總屬州縣二百餘東西相距一千七百六十里南北二千八百里此安南全境也國王黎氏祖籍清華人爲安南王都清華繼因交州爲歷代據險地兼有通海之利始遷都之國無城池人煙輻湊地勢平

坦一望皆田村莊櫛比人多地少合境州縣不過具數而已唐調露初置安南都護府始名安南至德初改鎮南大歷間復名安南凡國王嗣位遣陪臣來請

朝命

欽命正副使奉

敕往封

賜以鍍金銀印文曰安南國王其國中文武官制畧與中國同設有閣部卿寺翰林科道等衙門都察院

稱御史臺職掌最重在外設有承政司憲司司有承政使憲使叅政叅議等官府州縣各有正佐亦有部選者亦有世襲守土者在內設有五軍都督府不相統屬在外設有提督領一方軍務留守領一道軍務兼管鹽政稅務聽文職節制文職按出身擢用武職無科甲多以世襲五等爵充之稱職有功陞留守提督都督要任仍以子弟侄輩一人襲舊職溺職有罪降罰革職世襲守土者不替考試亦三年大比試有四場一經義二駢體三詩四

策中三場者爲生徒卽生員中四場者爲貢生卽舉人中無定額大率十人取一會試中四場者爲進士亦無定額廷試亦以對策定科第考無號舍每人以竹籠冒之伏地而書在國兵丁皆免丁銀徭役按月給餉兵分水陸不分戰守也兵以象爲重每象額兵二百五十名有正象奴一副象奴二其餘兵丁分執火器刀鎗行則前後序進戰則左右排列凡交界隘口及衝要郡縣皆撥象鎮守寇服文職紗帽圓領帶靴平時則用黑色緞高頭帽

青布潤袖袍武職無紗帽圓領朝賀日用紅哆囉呢帽各色彩緞潤袖袍紅哆囉呢齊肩掛或虎豹象補服平時用青帽青袍靴褲皆非所好閒居多去之行或乘馬或乘象成乘網兜乘則仰卧或乘轎形如無輪車上有漆藤席蓋俯而入或卧或盤坐國王護衛兵目轎役衣帽畧與武職同制祿按品級給錢有額田無田者給米世襲守土不復給兵制無大小礮以哆囉呢加帽謂之盔甲有隔山鎗鳥鎗長柄刀短柄刀長鎗標鎗藤牌火箭刑名

初無定法明時設布按始頒有律文僅知大槩故出入多不當錢穀有地丁鹽稅商稅田分上中下上田十取三中取二下取一每丁納錢一貫皆隨時豐歉以爲重輕嫁娶亦用媒妁備錢貫佐以檳榔猪羊酒送女家任男家隨便領女完配貧人不能具禮男女相悅卽成夫妻不避同姓由姓少故也喪祭多遵文公禮信尙風水禁官民不許卜地及葬山上故皆葬於田富貴家上蓋茅屋歲久卽平惟國王與輔政鄭氏葬必卜地至於權幸勢要

或私卜敗則亦平矣崇儒教交州有國學文廟
各郡縣皆建學祭祀配享俱如中國釋老之教間
有之不甚尊遇時節以迎神爲名男女會聚旬日
不止男女皆披髮跣足衣衫或布或絹多用白色
男子以布束腰從尻下穿前繫裹婦女以布絹上
掩胷乳立常以手席坐盤足自幼食檳榔待客亦
用之故齒皆黑平居不冠出無陰晴皆戴笠謁尊
貴跪膝三拜偶相見必脫笠披髮非是則爲不敬
然獐獠雜居性輕悍以富爲雄豪役屬貧弱俘掠

不忌惟交州愛州人儻好謀驩州演州人淳秀
好學交州爲國都及安邦承政司所屬地愛州屬
清華承政司驩州演州屬又安承政司云屋舍惟
王府輔政宅及廟宇用瓦色紫黃鋪如魚鱗餘茆
屋而已國中農桑極盛稻有二種養蠶無貴賤向
不解種麥今亦有之荳麻蔽野兼饒魚鹽之利寶
則金珠珊瑚玳瑁石磬火齊丹砂之屬香則沉速
安息雞舌都梁之屬鳥獸則翡翠白雉潮雞犀象
鹿兕猩猩狒狒獐獠駱駝牛犝牛果下牛居風

母大蜈蚣紅飛鼠蒙貴羚羊之屬菓樹則檳榔柳
子蕉子菴羅菓波羅蜜甘蔗石榴小桃柑橘紅柿
干歲子九層皮石栗如何烏木蘇木他綸木訶羅
勒穰木古度木棉之屬其餘雜樹成林然少成材
者榕樹最多他如扁豆瓠茄等物雖經冬不謝也
國中規制風俗土產如此若其中外離合國祚變
遷自秦及明前考備載明末國王黎氏當其臣莫
登庸纂逐之後僻處清華僅得一隅雖攻敗莫氏
不而莫敬用猶居高平國不能一也我

朝定鼎順治初廣西巡撫于時躍疏言安南都統使
莫敬耀向化投誠請給印敕未受爵而死授其子
元清為安南都統使十六年八月經畧大學士洪
承疇奏言安南國遣目吏玉川伯鄧福綬朝陽伯
阮光華齎啟赴信郡王軍前摠誠納款十七年九
月國王黎維祺奉表貢方物得

旨覽王表奏輸忱向化深可嘉悅因下部議十八年四月
禮部議奏安南國王黎維祺傾心向化有協力討
賊之勞例應賞銀百兩錦四端紵絲十二表裏得

旨交趾傾心向化復協助剿賊深可嘉尚爾部以故明卑視外國之禮議覆殊不合尋另議賜銀五百兩大蟒緞

王二疋粧緞二疋綵緞表裏各十二令兵部撰給

敕書付來使齎歸

上從之

敕曰朕維修德來遠盛代之宏謨納欵歸仁人臣之正誼既輸誠而向化用錫命以宣恩褒忠勸良典至重也爾安南國王黎維祺僻處炎荒保有厥衆乃能被服聲教特先遣使來歸循覽表文忱悃具見古稱識時俊傑王

庶幾有之用賜敕獎諭仍賚爾差官釵仁根銀幣衣服等物遣通事序班一員伴送至廣西沿途撥發兵馬導之出疆昭朕嘉與懷柔之至意爾受茲寵命其益勵忠節永作屏翰恪守職貢丕承無斁欽哉時巡撫于時躍請頒國王勅印永爲藩臣下部議行未授而維祺卒子維禔嗣尋卒子維禧嗣康熙二年十一月維禧遣陪臣黎敷等表謝降

敕褒獎賞賚恩附貢方物表文曰直聰作后昞光熙瑞之朝懋賞勸功渙及奉琛之壤欽惟

皇帝陛下濬哲溫恭聰明睿智式九圍受命政布湯初詔
八統保庸禮循周舊致令異數猥及遐方臣教沐
暨南星趨共北仰維懷遠之仁願効來王之義時
所貢物與會典不符禮部請嗣後應飭遵會典得
旨外國慕化入貢所進之物著卽收納不必定遵會典三
年二月宴黎歎等於禮部遣內院編修吳光禮部
司務朱志遠

諭祭故王維祺維祺五年五月維祺繳送故明王永歷敕
印遣內國史館翰林學士程芳朝禮部郎中張易

賁

冊封維禧爲安南國王六年維禧奪都統使莫元清高平
地元清奔雲南上疏陳訴

上命安置於南寧維禧亦上疏言興兵復讐本末
上遣內院侍讀李仙根兵部主事楊兆傑齎

勅諭安南國王黎維禧曰據爾奏稱莫元清之祖莫登庸
有逼陷爾先嗣王先國母行弑奪國之讐已興兵致討
報復剷除止有莫敬恭莫敬寬竄居高平又經往討設
誓和好則是讐已復好已結各居異地矣莫元清先經

納貢歸誠朕授爲都統使之職爾後又納貢歸誠隨封爲王今生事與兵殊爲不合旣稱遵旨罷兵着將高平土地人民歸莫元清各守其土以副朕綏又生民之心盡爾奉藩之職庶永承寵眷矣七年五月維禕遣陪臣阮潤等表謝

賜恤冊封恩并進歲貢方物宴賚如例維禕又疏請六年兩貢並進得

旨覽王奏稱該國僻居禹服之外道里悠遠山川阻深貢役勞苦三年六年先後雖異敬恭則一着照該國王所

請行八年使臣李仙根等齎回維禕覆疏內稱謹遵

諭旨將高平府石林廣原上琅下琅土地人民歸莫元清乞令莫元清歸屬本國

詔從之十年四月雲貴總督甘文焜奏言安南國人阮福祿獲罪來投理不應受宜還安南處置

上從之十二年四月莫元清奏言黎維禕所歸高平四州外尙有保樂七源二州崑崙金馬等十二總社未

還請再

敕諭全歸王大臣查奏莫元清來投時止言高平並未稱

有保樂等州且事屬外國結案已久應毋庸議

上從之是年國王黎維禧薨弟維禔權理國事十三年正月維禔以訃告遣陪臣胡士揚等進康熙八年十月歲貢又疏言先國王世守安南爲逆臣莫登庸篡弒賴輔國政鄭憶之祖剷除恢復莫逆遺孽篡據國內高平地乍臣乍叛傳至莫元清懼臣國討罪潛入內地投誠康熙八年奉

旨令還高平臣兄維禧欽奉

君命不敢不遵但莫元清爲臣不共之讎高平爲世守之

土叛逆竊據後嗣難安叩懇

天恩仍令高平屬歸本國且莫元清向有誓辭及祭伊父莫敬耀文內有圖逆

天朝之語今謹進呈并貢方物事下部議尋議前維禧退還莫元清高平取有復相和好印結今維禔雖言收得誓書祭文但此文年久誓辭係莫敬耀名或得自敬耀存時或得自元清今日未經聲明難以懸擬應

勅維禔查明具題再議

上從之十四年黎維禎卒弟維正權理國事十六年

勅諭黎維正曰逆賊吳三桂值明季闖賊之變委身從賊

以父死賊手窮竄來歸念其投誠錫之王爵方期其感

恩圖報殫竭忠誠詎意以梟獍之資懷狙詐之計陰謀

不軌自起釁端藉請搬移輒行叛逆煽惑奸宄塗炭生

靈連年發遣大兵各路征剿秦隴底定閩粵蕩平惟吳

三桂竊據一隅苟延旦夕今大兵雲集指日投首恐其

窮迫逃竄嶺南茲以王累世以來抒誠進貢詎屬屏藩

忠藎素著亂臣賊子諒切同仇今已遣大軍平定粵西

進取滇黔爾國壤地相接素知形勢王宜遴選將士協

力攻剿懋賞崇褒朝有令典王其恪遵朕命以奏膚功

十八年十一月維正慶賀大捷疏言逆賊吳三桂

變亂數年阻臣國入貢之路且遣使脅誘令臣服

從區區忠悃不敢從逆乃有本國逆臣莫元清與

三桂密相締結領兵潛入高平圖為掩襲今願仰

仗

天威遣兵追擒逆黨明正其罪經王大臣議安南感戴

皇恩不肯從逆且稱莫元清投順逆賊應如所請准遣兵

上從之二十一年九月維正遣陪臣申全等表賀閩粵蕩平并進歲貢方物又奏臣親兄維禔于乙卯年卒臣俯徇輿情權理國事以中國有外警下情難以
上達茲值貢期備因陳奏議卹如例時所貢金銀器皿與本內不符得

旨外國進貢其物本無足重特以傾心向化誠意可嘉耳金銀器皿少缺不必深求其餘貢物亦宜酌減尋經部議免進白絹降真香中黑線香等物從之二十二

年四月遣翰林院侍讀明圖翰林院編修孫卓

冊封黎維正為安南國王

御書忠孝守邦四字賜之同時遣翰林院侍讀卹黑禮部

郎中周燦

諭祭故王維禔維禔時莫元清已故其弟敬光為黎氏所討敬光敗率其餘眾來奔乞命奉

旨發回安南敬光尋病故所屬逃死過半由是莫氏遂絕

二十五年維正遣使表謝

冊封賜卹恩並貢方物陪臣阮廷滋中途病故

命地方官致祭

賜維正表裏五十初安南國王例賜表裏二十及時始增

其數後爲例三十年維正遣陪臣阮名儒等入貢

維正又奏言牛羊蝴蝶普園三處爲隣界土司侵

佔請給還

上問雲南巡撫石文晟知其地屬開化府已三十餘年並

非安南故地不准給與仍行文申飭五十七年十

月國王黎維正薨王嗣維禔遣陪臣阮公沆等以

訃告請襲封附貢方物五十八年二月遣內閣中

書鄧廷詰翰林院編修成文

諭祭故王黎維正

冊封王嗣維禔爲安南國王六十年十月維禔遣陪臣胡

丕績等表謝

冊封諭祭恩並貢方物雍正二年維禔遣陪臣范謙益等

表賀

上登極附貢方物並三年歲貢

諭禮部兵部曰朕因向來驛遞多有騷擾曾諭定例外藩

給供不許溢額今安南慶賀大禮遣使遠來經過地方

酌量增加以示朕嘉惠遠人之意十二月范謙益等至宴賚如例

御書日南世祚四大字以嘉賞

賜維禔三年雲南督臣高其倬奏言雲南開化府與安南

接界臣查自開化府馬伯汎外四十里至鉛廠山

下小河內有逢春里六寨冊載秋糧十二石零于

康熙二十八年入于安南應行清查又雲南通志

自開化府文山縣南二百四十里至賭咒河與安

南為界今自開化府至現在之馬伯汎止有一百

二十里即至鉛廠山下小河亦止一百六十里是

怒江鉛廠山小河以外尚有八十里內設龍都南丹兩

土重廠為雲南舊境雖失在前明但封疆所係亦應一

并清查現在委勘立界奏入得

旨朕思柔遠之道分疆與睦隣論則睦隣為美畏威與懷

德較則懷德為上據奏都龍南丹等處在明季已為安

南所有是侵佔非始於我朝也安南自入我朝以來累

世恭順方當獎勵是務寧與爭尺寸之地况係明季久

失之區乎其地果有利耶則天朝豈宜與小邦爭利如

無利耶則又何必與之爭朕居心惟以大公至正爲期
視中外皆赤子且兩地接壤最易生釁尤須善處以綏
懷之非徒安彼民正以安我民耳悉朕此意斟酌行之

尋維禱疏辨得

旨王未奏之先經總督高其倬入告朕念安南累世恭順
王能恪繼職守此地棄自明朝安南之民居此旣久安
土重遷恐有流離之苦朕心存柔遠中外一視甚爲不
忍已令將勘界人員撤回另議王但共職靜候可也尋
雲南總督鄂爾泰奏請于鉛廠山下小河離馬伯

汎四十里立界維禱復激切陳訴五年五月頒

諭維禱曰朕統御寰區凡茲臣服之邦莫非吾土何必較
論此區區四十里之地但分疆定界政所當先侯甸要
荒事同一體今遠藩蒙古奉諭莫不欽承豈該國素稱
禮義之鄉獨違越于德化之外哉王不必以侵佔內地
爲嫌拳拳申辨此乃前人之悞非王之過也王惟祇遵
朕諭朕不深求倘意或遲回有失從前恭順之義則朕
亦無從施懷遠之仁矣維禱隨感悔奏謝

上因以馬伯汎外四十里地賜維禱仍以馬伯汎之小賭

皇朝文獻通考 卷三百九十六
咒河爲界六年三月遣副都御史杭奕祿內閣學士任蘭枝往安南降

勅諭維禡曰朕統御寰區凡屬臣服之邦皆隸版籍安南既列藩封尺地莫非吾土何必較論此區區四十里之壤若該國王以至情懇求何難開恩賜與祇以該督臣兩次定界之時王激切奏請過于舛望該國王既失事上之道朕亦無從施惠下之恩今王自悔執迷踴躍拜命詞意虔恭在王既知盡禮在朕即可加恩况此四十里之地在雲南爲朕之內地在安南仍爲朕之外藩一

毫無所區別著將此地仍賜該國王世守之並遣大臣至該國宣諭朕衷五月

諭雲貴總督鄂爾泰朕既加恩外藩亦當俯從民便此四十里內人民若有願遷內地者可給資安插滇省現有應懇地土卽令承種務使得所其願居外藩屬安南管轄者聽十月維禡奉表謝

賜鉛厰山地四十里恩八年十一月維禡遣陪臣丁輔益等表貢方物十一年十一月黎維禡薨其嗣維祐遣陪臣范公容等以訃告請襲封附貢方物十二

年二月遣翰林院侍讀春山兵科給事中李學裕
諭祭故王黎維禘

冊封王嗣黎維祐爲安南國王十三年黎維祐薨弟維禕

權理國事乾隆二年維禕以訃告並請襲封遣翰

林院侍讀嵩壽修撰陳倓

諭祭故王黎維祐

冊封維禕爲安南國王三年九月維禕遣使奉表賀

上登極並貢方物九年二月維禕遣陪臣阮翹等來貢

五月兩廣督臣碩色奏安南番目黃福衛李福治

誤殺邊界守兵黃林黃正玉應擬斬立決得

旨番目戕殺內地兵丁律應斬決朕詳察案情實爲悞

殺且該國王卽獻兇犯毫無袒護足見恭順之誠黃

福衛等從寬免死交該國王處治九月兩廣督臣馬

爾泰奏粵西奸民葉綦私出外夷誘教爲匪安南

饑民流入寧明等處得

旨滇粵界接安南各處關隘嚴行稽察始不至彼此滋

擾或釀成事端今葉綦始出作奸饑夷偷入內地是

各要隘難免潛出竄入之虞殊非防範邊境之道該

督撫會同詳酌具奏嗣兩廣總督馬爾泰廣西署撫
托庸提督豆斌奏言南寧府屬遷隆土筒之板蒙
等隘太平府屬思陵土州之叫荒等隘鎮安府屬
下雷土州之下首等隘共三十餘口岸俱逼近安
南應疊石建柵添卡撥兵各土司帶領土勇扼險
守巡并飭地方官每年冬月查修通報安南驅驢
地方爲各處貨物聚集之所最與由隘相近從由
隘入驅驢不過六十里故商販願從由隘出入向
設閉禁開之實便商民應設客長稽商民往來并

責地方官慎密查察至平而水口兩關通太源牧
馬等地宜設立鐵鍊橫江攔截逢五十日開一面
以通商

上從之十五年維禕遣使來貢十六年四月雲貴督臣
碩色奏安南兵目阮世魁戕殺土練矣念應擬絞
監候得

旨阮世魁戕殺內地土練律應擬抵但詳閱案情實爲
悞殺且安南土目黃文棋擒獻兇犯亦能恪守公令
阮世魁從寬免死交該土目處治初廣西思陵州沿

邊與安南接壤巡撫舒輅請栽竹以杜私越憑祥
思陵土目或有乘機侵安南地者交人不甘及是
總督蘇昌等奏入

上以舒輅輕率舉行於前辦理不善於後致滋事端下
部察議十九年十二月維禕遣使入貢又奏謝番
兵黃福衛等悞傷兵練二案減罪

恩先是安南徭匪盤道鉗鄧成玉等謀亂造黃袍黃旗
木印并勾結內地民黨何聖烈等散劄招人欲攻
都竜安北宜京等處爲安南兵目所覺獲何聖烈

等誅之盤道鉗等竄匿山箐間及是安南入寶河
沙目黃國珍等誘獲盤道鉗鄧成玉經雲貴督臣
碩色究訊得實奏

聞正法二十一年安南國械送在番爲匪滋事之廣東
民人李文光等十六人來閩初文光與順化土豪
阮姓者交結謀踞祿賴桐狃等處爲番官所獲李
文光等久繫獄及是械歸內地閩浙總督喀爾吉
善等奏言安南僻處蠻陬同沾

聖化不敢將李文光等擅自加誅仍復送歸請示足徵

聖上懷服之忱應將李文光等照交結外國例核其知
情與否分別處治

上從之二十二年六月安南番船失風飄泊永寧汛撥
兵守護給資送歸并收貯在船軍械於同時給還
得

旨番船海上往來軍械本無足異飄泊汛口撥兵照看
尚屬事理收械貯庫殊為非體可諭沿海各督撫提
鎮知之二十五年閩浙總督愛必達奏言安南邊境
沙匪與交目蘇由為難闌入漫卓馬鹿二寨搶掠

滋事現咨安南國王擒解

上以地方官平日巡防不嚴臨時追捕不力降
旨責之二十六年國王黎維禕薨王嗣維禕以訃告請
襲封遣翰林院侍讀德保大理寺少卿顧汝修
諭祭故王黎維禕

冊封王嗣黎維禕為安南國王維禕欲以彼國五拜事
天之禮受封德保等執不可隨凜奉

天朝儀節禮成顧汝修以其侈陳儀從象械並迎送儀
節未周遺書責安南國王廣西巡撫熊學鵬以

聞得

旨持節冊封所以示懷柔而昭威信如該國王儀節有愆當據理面飭俾知遵循若既恭順將禮一切無關重輕之事可無介意乃臨時隱忍既出境復致書相責適形見小氣怯况不偕正使私自移文所爭執者又不識大體乎顧汝修坐革職二十七年三月諭禮部安南世為屬國凡遇朝使冊封至其國自應遵行三跪九叩首禮乃該國王狃于小邦陋見與冊使商論拜跪儀注原屬無知經德保顧汝修援從前杭

奕祿等指示成例始知恪遵外藩不諳體制部臣應預行宣示嗣後遇有安南冊封等事即將應行典禮并前後遵行拜跪儀節告知正副使令其永遠遵循三十八年正月維禱遣陪臣正使段阮俶副使武輝琿阮瑤進表行慶賀禮

賞賜如例四十三年維禱遣陪臣正使胡士棟副使阮仲鑑入貢慶賀平定金川隨表方物按常規多二件少一件禮部奏明奉

旨凡外國進貢正貢方物自應按照常規若因慶賀陳

皇朝文獻通考 卷二百九十六
奏謝恩等事加貢間有短少與例不符者毋庸計較
又國王將竄越匪犯解送進關奉

諭於正賞外加賞該國王蟒緞粧緞倭緞錦緞各一匹
閃緞二匹表緞二匹五月奉

諭據吳虎炳奏宣化縣知縣萬廷莘查獲安南國人陳
廷暄阮文富二名剃髮改裝稱係貢使胡士棟家人
該縣卽帶與該貢使認明屬實覆訊稟報等語陳廷
暄私自剃髮改換服飾偷越隘口安知非另有別情
該縣旣因其形跡可疑盤獲自應徹底根究務得實

情乃因其稱係貢使家人輒與該貢使自行認識辦
理殊爲錯謬安南土語該縣無由通曉或此二人詭
捏而胡士棟爲之掩飾俱未可定何得信爲實據卽
此一節之錯謬其諸事糊塗可以概見豈可膺民社
之寄萬廷莘著革職四十四年維禡奏奉

諭二犯回國自行懲治另整儀物專員具表謝奉
旨不必再行具表四十六年維禡遣使謝

恩隨表方物奉

旨收受下次正貢著減一半嗣後如有陳謝表奏一概

毋庸備禮五月奉

諭本年安南國貢使到京著禮部堂官一人帶往熱河

瞻覲後遣令回國七月使臣阮維宏等三人於

惠迪門跪迎

聖駕

賜該國王緞匹及賞使臣等有差四十九年維禡遣陪

臣正使范阮達副使吳希禱阮香入貢閏三月

皇上南巡安南陪臣黃仲政黎有容阮堂等於江寧城

外迎

駕

恩賜幣帛等物有差

特賜國王

御書匾額南交屏翰又奉

諭安南國匾額所用古稀天子之寶非朕自誇恐該國

王不知朕意故以古稀說令其閱看即知朕意也八

月又使陪臣范阮達等來京赴

熱河瞻

覲

御製賜國王詩一章

交南三百餘年國拱北一心歷世臣知解文章守禮
義用頒篇什副絲綸銀瀛馳介心誠篤玉塞開筵惠
俾均撫衆和鄰縣奕葉長承朝澤萬千春

其國中山川之最著者山則有若佛蹟山勾漏山
在交州府石室縣東究山在嘉林州僊遊山金牛
山在武寧縣俱屬北江府崑山在鳳山縣邱皤山
卽馬援開石道處在丹巴縣俱屬諒江府安子山
一名象山在東潮縣雲屯山在雲屯縣大海中大

圓山在新安縣大海中俱屬新安府鳳翼山在夏

華縣屬三江府三島山在楊縣屬宣化府芄山在

弄石縣隴山在洞喜縣俱屬大原府戲馬山在永

寧縣安鑊山在東山縣俱屬清化府天琴山相傳

陳氏主遊此夜聞天籟聲故名在奇羅縣橫山在

河華縣俱屬又安府傘圓山在嘉興州艾山在蒙

縣水則有若富良江一名瀘江在交州府東關縣

來蘇江自交州府城東北轉而西行直抵銳江宣

光江在宣化府曠縣源自雲南教化長官司入境

流七百餘里以達宣化海潮江在建昌府快州龍門江在嘉興州蒙縣源出雲南寧遠州至此橫截江流中分三道舟過此必舁上岸方可復行旁有穴多出鸚鵡魚色青綠口曲而紅似鸚鵡嘴相傳此魚能化龍云浪泊一名西湖在交州府東關縣馬援所謂吾在浪泊西里間者是也夜澤在建昌府東結縣龍溪在鎮蠻府延河縣安州有鬼門關馬伏波廟在焉

朝使過者例得致祭有銅船馬援南征鑄此又獠奴以銅爲鼓高二四尺有上面無下底相傳卽諸葛亮征蠻鉦自安南府南海行三千餘里至林邑又南行二千餘里至馬援立銅柱處援留漢人居此柱下南蠻呼爲馬留人云

臣等謹按安南國爲漢交趾九真日南三郡地唐分嶺南爲東西二道置安南都護府爲稱安南之始宋初州帥丁璉內附封交趾郡王爲安南封王之始璉傳弟璿其臣大校黎桓篡立真宗封爲南平王爲黎氏有安南之始桓三傳而大校李公蘊

纂立公蘊五傳至李天祥封安南國王爲安南稱
國之始黎氏受封始於有宋迄今享國雖久然其
再絕再續纂於李移于陳又纂於莫至我
朝定鼎莫氏黎氏先後來歸仰蒙

世祖章皇帝並生兼育繼絕之仁扶弱之義可謂至矣乃
元清不守臣節身死爵除黎氏世濟忠貞遂得終
承

寵眷永備南藩固天道之自然亦人事爲之也考前代
廢興之迹黎李陳莫數百年來仇殺殆無虛日入

本朝而兵革不作山河晏如非

皇靈所暢有以輯寧其邦家而世其子孫安能蒙福無
旣若此哉

南掌

南掌古爲越裳氏地本老撾部屬其俗佩雕刀爲
飾故呼爲搗家南掌之稱則始于明嘉靖間其地
東南與安南接西南與暹羅接西北至雲南省治
六百八十里皆陸行貢道由普洱府入夷性犷悍
身及眉目皆刺花相傳酋長三等大曰招木弄次

曰招木牛又次日招木化居高樓部屬入見不下樓卽所至之地爲等級焉我

朝雍正七年雲貴總督鄂爾泰疏言南掌國王烏孫遣使奉編蒲金字表文一道馴象二隻求入貢奉

旨嘉獎沿途護送從厚支給八年二月遣使表貢並請定貢期奉

旨五年一貢本年初次納貢頒賜

勅諭一道並

賜文綺等物令使臣齎捧回國九年六月奉表謝頒

勅諭恩乾隆元年

賜國王烏孫彩緞文綺八年二月

上以南掌僻處天末遠道致貢改爲十年一次十四年

正月貢馴象二十六年二月南掌國王准第篤公

滿遣使叭細哩門庭遮昆等齎捧正貢表文進馴

象二隻又齎捧慶祝

皇上五旬萬壽

皇太后七旬萬壽表文進馴象二隻並貢請照例交送鑾

儀衛一疏奉

旨依議六月十三日禮部議嗣後各省巡撫於南掌琉
 球蘇祿安南等國貢使到境卽於同知通判中遴
 委一員應用武弁酌派守備一員伴行長送至京
 並知照經過各省預行添派妥員護送按省更替
 至貢使回國時亦一例辦理奉
 旨依議又奏南掌外藩入貢使臣俱于陳設鹵簿之日
 帶領道旁瞻仰

天顏備覩

中朝儀典今南掌國王準第駕公滿遣使叭哩細哩門

遮昆來京謹擬於七月初八日

聖駕起鑾之期帶領大東門道旁叩見一疏奉

旨所奏是知道了四十七年南掌國王遣使臣叭整哄

等四人入貢

上於山高水長連日賜茶果又於

紫光閣賜宴又於

三無私殿賜宴

廣南西水阻巖巖訖言大山前水變之望收半日

廣南爲古南交地王本中國人阮姓歷代以來未

通職貢其地東接安南西隣占城南濱海東北至緬甸西北距暹羅境有大山海水環之望如半月之形名曰廣南灣人善泅紅毛國人夾板船最大風帆不利漂入廣南灣言國人卽遣小舟數百雲集其處人負一竹筒納長縷沒水而釘縷于船下還棹小舟遠曳以行于是奪其貨而焚之故紅毛人以此不見廣南山爲幸他國商船入廣南者稅物加倍以爲常康熙八年廣東都司劉世虎等遇風漂泊國境廣南國王遣臣趙文炳送歸并帶貨物

船隻來粵部議趙文炳等雖奉廣南印文遣來實係中國之人或留或遣請

旨定奪其帶來之物現奉海禁不便貿易應入戶部得

旨廣南國王送劉世虎等回粵殊爲可嘉著給以照驗遣

歸廣南船貨不必入官仍給來使嗣後凡往來商船由

廈門至廣南過安南界歷七洲洋取廣南外之占

畢羅山卽入其境國無城郭周栽蒔竹以自固云

緬甸

緬甸古稱朱波國地界雲南永昌府騰越州天馬

虎踞諸關外其酋居阿瓦城南至海西至孟養北
 至孟密所屬有木邦等十三路地方遼濶俗尚柔
 詐老官屯一帶山高瘴大殊難行走其夷官夷民
 服飾與南掌相似婦人束髮穿耳短衣圍以錦幅
 長裙老官屯地多海鹽恒與內地民人貿易土產
 有蘇木象牙翠羽木棉之屬元及明初雖示羈縻
 然柔詐性成時時反覆嘉靖後莽瑞體父子雄長
 諸部恃其險遠不修職貢我

朝順治間故明桂王朱由榔走蠻莫思綿緬擒以獻

溷濡

聖化畏威懷德蓋非一朝夕矣乾隆十五年其王莽達
 喇製金銀二鉞篆刻表文並奉金塔馴象緬布各
 等物抒誠入貢奉

勅諭

諭嘉獎其使臣筵宴俱照各國王貢使之例並頒

御書瑞輯西琛四字匾額賜之令使臣齎捧歸國嗣為
 首四木梳酋長甕藉牙所篡子惜惱憎駁相繼佔踞三
 十二年莽匪滋擾土司雲貴總督劉藻姑息誤事

楊應琚前往接辦畏蕙失機奉

旨切責

命將軍公明瑞率兵討之並免永昌等處錢糧其經由

土司糧銀亦蠲免二十三年正月奉

諭據明瑞奏報現在進剿緬夷已過蠻結地方連破賊

壘十六殺賊二千有餘等語明瑞秉性純誠才優幹

濟前者西陲之役每身先士卒效績宣猷昨歲自伊

犁來京陛見值緬酋滋事因令節制雲貴並授爲將

軍領兵進剿凡辦理軍營諸務均能悉心籌畫勳合

機宜近自木邦整隊突入於舊小地方統衆毀柵今

行次蠻結復親冒矢石摧堅陷銳至自受鎗傷猶鼓

勇直前克揚我武朕心深爲嘉慰明瑞現在所襲之

公係承恩世爵今旣屢著殊績自應特沛恩施明瑞

著授爲一等誠嘉毅勇公又奉

諭將軍公明瑞現在自宋賽進兵其猛密一路叅贊大

臣雖已令額爾登額補授但於督率調度未能勝任

協辦大學士阿里衮著往雲南辦理軍營策應卽授

爲叅贊大臣又將直隸河南湖北湖南貴州軍行所

過等省各賞銀十萬兩雲南省賞銀三十萬兩二
月奉

諭緬甸本南徼糜膺久置化外原不足重煩兵力卽與
沿途土司蠻觸相尋亦屬事所常有封疆大吏果能
綏靖有方俾知懾我威德自可相安無事乃自愛必
達吳達善等先後姑息因循不克示之節制遂至養
癰貽患及劉藻以書生接任一聞與土境交訐無故
自生惶擾貽悞邊陲輕生殞命因令楊應琚往督滇
省意其久稱歷練自可不動聲色示以創懲便可一

舉集事詎伊始則意在招納漸墮賊計一經棘手措
置茫然復以病迷之際甘受人愚且不惜懷欺罔上
乖張債事其實或稱莽匪或稱木匪究與緬匪是二
是一且不能悉其種類何由責以奏功因將在事將
領正其失律之誅以申軍紀而聲罪之舉遂致勢難
中輟其實朕於此等不足比數之小醜何嘗有必欲
用兵之意及至一誤再誤不得已命明瑞往戡其事
然啟行之前但授以總督並不冠以經畧之號本意
固曉然可見中外臣民宜無不共知者當新疆式闢

之後幅頓二萬餘里若準夷回部莫不爲我臣僕又何有於彈丸僻處勝不爲武之緬匪乎今該酋始則侵擾土境繼乃抗拒顏行若不急加翦滅何以申國憲而輯邊隅惟是明瑞受任之日朕以輕量窮蠻謂其不值張皇措置惟簡派巴圖魯侍衛官兵百人並選健銳火器二營勁旅三千人以爲可備軍營調遣之用無如滇省綠營弁卒經楊應琚不善駕馭以至恇怯性成遇賊輒退而命往禁軍在在分資調撥未免不敷是則朕之蔑視緬酋未爲深思遠計然兵之

強弱視將之能否如明瑞之殫誠勵衆行間莫不自奮難於舊小之立毀木城蠻結之連拔十六寨陷銳推堅卽綠營亦何嘗無感激効命之人哉其猛密一路明瑞初議額爾登額譚五格督領前進朕卽傳諭額爾登額只可供人驅使不能獨當一面而譚五格未經戰陣又係內務府微末出身器局本小不足以壓衆諄訓不啻再三軍機大臣聞之至熟後乃命額爾登額爲叅贊以資調度詎伊病故之後二人果皆觀望不前而索柱等駐以天生橋錫箔江等處以已

據之險亦皆棄而不守遂任擊敗餘賊潛行滋擾木
邦設使去年卽用阿里衮分兵猛密舒赫德鎮守木
邦居中按應大功早已告成特以其事本屬不值大
舉是以未經策遣今猛密旣已遺悞無從追悔現命
阿里衮等赴滇整理戎行率兵繼進伊等身爲大臣
自能和衷集事動出萬全至朕於臣工功罪一切各
如其人所自取卽如明瑞晉加公爵厚加優賞緣前
在西路軍營屢著勲績現又鼓勵將士督率有方是
以特示優崇而鄂寧駐劄永昌籌辦軍儲等項頗屬

盡心朕亦深爲嘉許若珠魯納駐守木邦其權衡失
當之處惟在妄誅降匪一節賊黨因生疑懼但此乃
其限於才識所致論其悉力守禦與賊相持卽係任
事出力之員並不加之責備惟額爾登額於接應將
軍之事視同膜外及鄂寧調赴木邦策應七檄不行
其意猶以株守旱塔於兵衆並無損失欲爲卸責之
計其居心豈可復問譴五格雖較額爾登額情罪有
間而以提督領兵之大員附和推諉亦自有應得之
罪明瑞現在沿途殲剿屢挫賊鋒兼之攻克猛弄搜

獲糧石以濟儲精則雖懸軍深入後乏應援而士飽
馬騰無虞匱竭此後在事臣工自必益加奮勉共奏
膚功以為外夷敢抗天威者之炯戒所有用兵始末
恐中外未能盡曉著將此通諭知之時大兵至木邦
賊於三日前聞風竄逸我軍臨江造橋逕渡賊以
萬眾據守蠻結將軍公明瑞及領隊諸大臣連破
其十六寨賊拒守天生橋我師繞道夾擊殲二千
餘眾獲糧械無算尋進兵宋賽直趨猛密深入二
千餘里時別令叅贊額爾登額統兵由旱塔接應

額爾登額逗遛不進致老官屯匪孽尾隨軍後伺
隙明瑞由大山移駐猛腊連勝破賊以綠營兵疲
病者多不忍棄去令將士護行部員文官皆命前
行身自殿後遇賊受傷至死頂死之額爾登額譚
五格解至京皆伏罪賊酋奉蒲葉書求撤兵因羅
夷送至

上不許三十四年正月奉 旨二十一日大學士

旨征剿緬匪今歲必須大舉昨歲已派京城健銳火器
營成都荊州各駐防兵茲復添派索倫吉林兵厚集

其力聽候進發大學士傅恒授爲經畧俟擇日前往
總一切進剿事宜阿里衮阿桂已授爲將軍阿桂所
有總督事務不必兼管二月二十一日大學士傅恒
起程奏經畧典禮不敢當

勅印令箭乞大臣頒發前赴金川已蒙
賞給丹纛今恭請應用從之九月奉
諭據傅恒奏稱九月初二日猛拱頭目興堂扎回營言
土司渾覺並頭目脫猛烏猛等俱來騰越投誠隨即
酌量安撫傅恒等迅速進兵收服猛拱着賞三眼孔

雀翎小荷包並詩阿里衮着賞小荷包三個至渾覺
從前雖懷瞻顧而年僅十八情尚可憫伊係倡議迎
降之士司著賞翎並荷包其頭目亦俱著賞翎二十
八日傅恒奏現今收服猛拱其猛養亦猛拱所屬
距蠻暮甚近俟收服猛養兵至蠻暮該處船隻兵
餉想亦齊備即可會集兵力直搗緬匪巢穴又奏
渾覺夫妻帶領頭目呈獻象牙牛隻等物十月初
二日又奏土司渾覺送到軍營象四隻猛拱宣撫

司印信已被火燒請

皇朝文獻通考 卷三百九十六
三
敕部鑄給時大兵已收服猛拱卽進兵同猛拱土司渾
覺等攻取猛養自猛養前赴蠻暮行至蚌板雅地
方獲糶夷六口沿途割取穀石軍糧充裕初緬匪
恃有老官屯之險必得舟師夾擊始可沿江順流
直搗大學士公傅恒始至卽於銅壁關外野牛壩
地鳩工造船八月大兵至南底河奉

諭傅恒自七月中由騰越進剿僅帶一月口糧而自夏
鳩渡江以後經歷猛拱猛養已兩月有餘所至因糧
於敵不藉內地輓運瞻軍之外尚可留給蠻暮一路

軍營之用至馬匹倒斃固由進兵較早之故使非早
期兩月緬夷必預爲防備倘或拒守夏鳩南籠一路
則糶夷且爲彼用我軍安能渡大江由西岸直收猛
拱使後路廓清長驅無阻乎傅恒摺奏與朕所見不
謀而合也猛拱猛養爲緬甸門戶旣已服從賊匪震
懾九月大兵會集大江從上流分撥舟師水陸並
進賊衆潛聚新街於江灘結寨一其江右及兩岸
各結大寨一以拒我師我師分路並進海蘭察等
拿獲生口連奪賊人江灘所立木寨射死穿紅賊

皇朝文獻通考 卷二百九十六
匪頭目一人礮碎其舟獲船隻軍械追賊三十餘里其西岸官兵亦奪得賊壘三處共殺賊五百餘人射殪賊人頭目奪獲賊燧一及軍械米糧等物無算軍聲大振進攻老官屯十月傅恒等奏大兵攻圍老官屯賊遣小頭目節綴來營賈逆酋懼駭由阿瓦遞到書函懇求停止進兵詞頗恭順非復從前狡譎但所遣僅小頭目未可輕信次日諾爾塔求見哈國與稟稱實在懼怕未敢叩謁將軍大人如給我回書我卽來叩謝又附近新寨內有一

賊匪頭目向守卡千總劉剛稟稱我係阿瓦大頭目特差我來聽候信息若施恩允我所請我卽往見將軍大人叩謝所留內地之人卽行送出因其詞意恭順是以繕發回書諭令奉表求降送出內地被留之人已經投順土司不得侵擾如能悉遵約束卽當奏

聞定奪付書去後復有頭目來至軍營懇求撤圍查老官屯氣候惡劣官兵日久攻圍多有患病之人似應允其所請暫行撤圍示我威德又奏臣於國事

皇朝文獻通考 卷二百九十六
聖
當盡力辦理逆酋罪大國體所係勢難中止是以
奏懇領兵冀竭力以報但緬地路既險遠且多瘴
癘一路官兵在途多有病故及至老官屯水土尤
惡臣在新街卽腿患麻木兼患泄瀉身體亦覺軟
弱看來老官屯亦難久駐萬一我兵稍露疲乏於
事無濟若仍堅執前行又留不了之事致厯
聖念則罪更大不敢不將實在情形奏

聞惟是此次進剿衆人皆以爲難臣獨執意請行既未
能攻克賊巢直達阿瓦而官兵病損甚多深負委

任仰求從重治罪十一月奉

諭緬匪僻在炎荒本不足齒向來不敢侵軼邊界而中
朝亦以化外置之乃歷任總督自張允隨卽已廢弛
邊備嗣是愛必達吳達善又因循不振致緬匪易視
內地與沿邊土司滋事生釁而劉藻辦理緬匪侵擾
黑龍口一事旣已畏葸無能由思茅退回普洱致賊
無忌此歷來貽誤情形也至命楊應琚接辦調度乖
張致賊入關內騷擾土司而楊應琚復種種欺謾及
再命明瑞前往任總督事並未遽欲興師遠涉而所

統八旗勁旅不過三千且又分其半與額爾登額由旱塔一路取道合剿及明瑞自錫箔蠻結拔寨殺賊乘勝深入轉戰至小猛育爲時已久屢促額爾登額移兵往援乃敢抗延不赴又復紆道退回內地明瑞等仍沿途接仗力期殿護全師竟以策應不前捐軀以徇此事遂難中止彼時緬酋懵駁雖曾具書軍營懇停進剿而所遣乃內地被留之兵丁並未專派大頭目賫表乞降此則國體所關豈宜輕納是以置之不答猶冀其悔罪輸誠果能請命如禮尙可宥其旣

往並非欲勞師動衆詎待至一載而逆酋仍頑梗怙終豈可不加懲創滇省緣營恇怯積習久爲逆匪所輕而阿里亥阿桂在彼亦未能相機部署是以遣吉林索倫等勁兵並閩省水師水陸夾攻又因大學士公傅恒屢請前往督辦遂命經畧往蒞其事此朕不得已用兵之苦心也至傅恒於七月間自騰越進兵師期較前次早兩月賊未預防因得由戛鳩一路統兵前進收取猛拱猛養而其所經山徑崎嶇江河紆阻越險濟軍備極勞瘁且因糧於敵不藉內地轉輸

皇朝文獻通考 卷二百九十六 聖
及至新街會兵策勵將士無不賈勇於江岸河洲連
奪賊砦殲賊五百餘衆並殪其頭目獲取舟船器械
賊衆望風披靡如此殫誠宣力實不易得及進次老
官屯率衆攻剽而賊人守拒甚固猝未能下遂克砮
西屯一寨勢可計日而取但其地水土惡劣官兵在
彼多生疾病卽領隊大臣間有染病身故者現今冬
令瘴退之後屯駐尙不相宜雖得老官屯不可以深
入明矣顧以我勇敢士卒令其嘗試瘴毒心所不忍
前經傅恒等節次奏到朕以國威不可不伸而旣屢

經奪砦殄賊殪彼渠兇是旣奮揚我武且炎瘴氣候
非宜我兵不宜久留實屬地勢所限非兵力不足軍
儲不充也朕惟一切順天而行今審度時勢自當知
難而退不宜復執直達阿瓦之說是以於半月前卽
傳旨撤兵惟諭傅恒等將善後事宜妥協經畫今據
傅恒等奏緬酋情駁奉有蒲葉書遣老官屯大頭目
諾爾塔賚詣軍門求請貸其聲討傅恒等移檄使受
約束義正詞嚴前旣諄諭撤兵此時自應姑如所請
以完此局至傅恒另奏請罪一摺若僅以攻寨未能

迅克爲歎則阿桂亦當同時引咎乃以爲力違衆議
執意請行將此次出兵引爲一人之咎殊爲未喻朕
意此次出兵原屬萬不得已並非好大喜功傅恒承
命經畧職分應爾設以爲辦理非是朕當首任其過
其次方及傅恒也前於傅恒收取猛拱時曾賜三眼
翎以示褒寵伊卽具摺懇請俟成功後戴用今旣未
經攻克賊巢前所賜翎卽着撤回仍用伊原戴之翎
卽此於伊請罪之意適足相當所有撤兵各事宜著
傅恒等悉心妥議具奏十二月初七日經畧大學士

公傅恒等奏大兵以圍老官屯緬匪懣駁遣人致
蒲葉書懇求罷兵情愿繕具表文十年進貢一次
茲差頭目二人呈送洋錦洋呢洋布等物臣等堅
却不受經頭目等率夷衆一百八十餘人負荷陳
設營門再四懇求卽飭令接受並諭以表文規制
察其情狀似無欺飾奏至

上許之猛拱司渾覺令於邊內擇善地處之三十五年
振旅而還自是緬酋震懾

天威不敢侵擾諸土司南荒帖息焉

臣等謹按三十一年緬甸滋擾土司

上遣大學士傅恒與師問罪連破賊壘絕其糧援已可計日蕝事維時水土惡劣我將士多有受病者於是有班師之

命嗣是緬甸不敢侵擾土司者二十餘年我

皇上德威所播無遠不服五十三年雲貴總督富綱奏掌管國事孟隕遣大小頭目資金葉表文馴象金塔款關進貢恭順之心出於至誠

上准令前來行在酌加優賚以示柔遠并

賜陪臣宴於

山莊夫以緬甸其始自作不靖甘外生成其繼懾我天威懇求罷兵其究漸仁摩義共切尊親之戴忠孚可格豚魚干羽可格有苗於茲益信_臣等恭纂

皇朝通考例載至五十年謹加案聲明

葫蘆國

葫蘆國一名卡瓦界接永昌府東南徼外歷古以來未通中國亦不爲緬甸所屬地方二千里北接耿馬宣撫司西接木邦南接生卡瓦東接孟定土

府距永昌府十八程乾隆十一年三月其酋蚌筑願以其地茂隆山銀廠抽課報解作貢解課三千七百九兩零赴雲南省投誠並稱境內茂隆廠日中華人吳尙賢開採以來礦砂大旺廠地人民各

是時守

天朝法度路不拾遺等語王大臣議令雲南督臣曉諭却之仍令將吳尙賢等違例出境查明具奏報

可六月葫蘆國夷目仍請仰懇

天恩俯順夷情收受廠課雲督張允隨請減半收受仍

以所收課銀之半給賞該酋長以慰國人歸順之意

上從之十六年總督碩色等以茂隆課長吳尙賢將歷年

恩賞酋長課銀侵肥入已叅奏治罪下部知之其地山多田少刀耕火種以木爲城索綯爲屋牲畜繁孳人多造炭爲業山居穴處斃衣短袴以布纏頭婦女曳裙衣短衣以紅藤束腰分地而治者皆其族姓惟傳國世次不可考

皇朝文獻通考 卷二百九十一
整欠

整欠地界九龍江邊外距普洱府約千餘里所屬
大猛養等十數寨統大頭目十六其一曰先邁巖
第乾隆三十四年抒誠內附請修職貢

上念其地在僻遠命六年一貢四十年十月其頭目賚
象牙犀角來獻

上令預朝正班未宴賞如例其頭目被紅褐錦衣草鞋
不冠以紅帕抹首婦人衣飾與獮夷相似

景海

景海地界九龍江邊外距整欠又數百里所統大
小頭目二十餘其頭目曰先綱洪乾隆三十四年
抒誠內附請修職貢四十年十月內入貢與整欠
同其物產服飾亦與整欠相類

同其... 皇朝文獻通考

... 皇朝文獻通考

... 皇朝文獻通考

皇朝文獻通考卷二百九十六



